



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### იმნაიშვილი ვახტანგ ივანეს ძე

იმნაიშვილი ვახტანგ ივანეს ძე (22. IX. 1939, ლანჩხუთი, - 24. I. 2017, თბილისი),  
ენათმეცნიერი, ტექსტოლოგი, ქართველოლოგიის ისტორიის მკვლევარი. ფილოლ. მეცნ.  
დოქტორი (1977), პროფესორი (1979).

1966 დაამთავრა თსუ-ის ფილოლ. ფაკ-ტი. 1968-იდან ეწეოდა სამეცნ.-პედ. მოღვაწეობას  
თსუ-ში ახ. ქართ. ენის კათედრაზე. 2006-იდან იყო თსუ-ის ჰუმანიტარული ფაკ-ტის ქართ.  
ფილოლ. მიმართულების ასოცირებული პროფესორი; ამავე წლიდან – საქართვე. განათ-  
ლებისა და მეცნიერების სამინისტროსთან არსებული ქართ. სალიტ. ენის ნორმათა  
საექსპერტო კომისიის წევრი.

ი-ის კვლევის სფერო იყო ძვ. და ახ. ქართული ენა, უცხოეთის სამეცნ. ცენტრებში დაცული  
უძველესი ქართ. ხელნაწერებისა და გამოჩენილ ქართვ. საბ. მოღვაწეთა ეპისტოლური  
მემკვიდრეობა. ამ მიზნით შეისწავლა ავსტრიაში, გრაცის უნ-ტისა და ვენის ნაციონალური  
ბ-კების ძველი ქართ. ხელნაწერები და ავსტრ. მეცნიერის, ჰუგო შუხარდტის არქივის  
ქართული მასალები. გრაცში დამუშავებული მასალები (2000) საფუძვლად დაედო  
ნაშრომს „უძველესი ქართული ხელნაწერები ავსტრიაში“ (2004), რ-საც იმავე წელს მიენი-  
ჭა ივ. ჯავახიშვილის სახ. საუნივერსიტეტო პრემია. ნაშრომს „ზმნა ძველ ქართულში“ (ტ.  
1-2, მაინის ფრანკფურტი, 1996) 1999 მიეკუთვნა ა. შანიძის სახ. პრემია. შვეიცარიაში  
იოლანდა მარშევთან ერთად გამოსაცემად მოამზადა ვრცელი „გერმანულ-ქართული  
ლექსიკონი“, რ-იც გერმანიაში დაიბეჭდა (1999).

ი-ის შრომები იბეჭდებოდა საზღვარგარეთ (ავსტრია, ნიდერლანდი, გერმანია, ბელგია);  
კითხულობდა ლექციებს ქართ. ენისა და ლიტ-რის შესახებ ვენის, მაინის ფრანკფურტის,

ბერნისა და სხვ. უნ-ტებში. 1997–2006 ი. ჭავჭავაძის სახ. ენისა და კულტურის სახელმწ. უნ-ტში კითხულობდა ქართ. ენის მორფოლოგიისა და სინტაქსის კურსს.

*თხზ.*: ათანასი ალექსანდრიელი, „ცხოვრებად წმიდისა ანტონისი“ (ტექსტი, გამოკვლევა, ლექსიკონი), თბ., 1970; „მამათა ცხოვრებანი“ (ბრიტანეთის მუზეუმის ქართული ხელნაწერი XI საუკუნისა), თბ., 1975; სინას მთიდან გრაცამდის (გრაცის ქართული ხელნაწერების ისტორია), თბ., 2001; „არდავიწყება მოყვრისა...“ (ქართველ მეცნიერთა და საზოგადო მოღვაწეთა ეპისტოლური მემკვიდრეობიდან), თბ., 2006.

---